

جريدة محاکمه

جمعه ایرتسی

نومرو	صفحه	سنه	توز	سنه	صفحه
۸۸۴	۱۴	۱۳۱۴	۱۳	۱۳۱۲	۱۲۴۶۱

(اشبو غزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکریمی فروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ین مجیدیه یکریمی غروش اولوق اوزره یوزباره به هر پرده ساتیلور . درج اولنه جق)
 (اعلاناک هر برندن بر مجیدیه اخذ اولنور . سنه لکته مشتری اولوق استیانلر عدلیه نظاری)
 (دأره سنده کأن جریده محاکم اداره سنه مراجعت ایلیلدر)

قسمت رسمی

توجیهات

محکمه تمیز ریاست اولاسی استدعا دأره سنده
 بولنوق اوزره دأره مذ کوره رئیس عطوفتلو
 شفیق افندی حضرتلرینه

محکمه تمیز حقوق دأره سی ریاستی محکمه
 مذ کوره اعضا سندن فضیلتلو مجدی افندی به

محکمه تمیز اعضائی درسعادت استیناف
 محکمه سی جنبه قسمی رئیس سعادتلو جلال بک
 افندی حضرتلرینه

درسعادت استیناف محکمه سی جنبه قسمی
 ریاستی محکمه مذ کوره اعضا سندن سعادتلو
 عزت بکه

درسعادت استیناف محکمه سی اعضائی
 درسعادت بدایت محکمه سی برنجی جزا دأره سی
 رئیس سعادتلو خلیل بکه

درسعادت بدایت محکمه سی برنجی جزا
دائرة سی ریاستی بك اوغلی بدایت محکمه سی ایکنجی
حقوق دائرة سی ریسی سعادتو عالی بك افندی
حضر ترینه تقویض بیورلش و مشار و موسی
الیهمدن عالی و خلیل بکک مأموریت سابقه لرینه
حین تعیینلرنده تحلیف اولندقلری کبی شفیق
افندی حضر تریله مجدی افندینک و جلال بك
افندی حضر تریله عزت بکک دخی ذات شوکتسمات
حضر ت خلافتیاهی به ودوات علیه لرینه صادقانه
ایضای خدمت ایلیه جککرینه و مقار عدالت
حرکانده بولنیا جقلرینه دائر تحلیف لری اجرا
قلنمشدر .

(فی ۲۶ محرم سنه ۳۱۴ و فی ۲۶ حزیران)
(سنه ۳۱۲ تاریخیه بالجمله ولایات استیناف)
(محکمه سی مدعی عمومیلرینه و مدعی عمومی)
(بولنیا محالرمدعی عمومی معاونلرینه یازیلان)
(تخریرات عمومی صورتیدر)

عسا کر نظامیه وزاندارمه افرادندن جنایتله

اتهام اولنوب محاکم نظامیه دن حقلرنده توقیف
مذکره سی تسطیر اولنان مجرمین اکیال تدقیقات
و محاکمه انتظاراً عسکری حبسخانه لرنده موقوف
طوتلمقده و ثبوت جنایتلرنده بالاستیذان
شرفصادر اولان اراده سنیه حضرت پادشاهی
اوزرینه قیدلری بالترقین حکومت محلیه به تسلیم
اولنقده اولوب حالبوکه محاکم نظامیه دن بومثلولر
حقنده لاحق اولان محکومیت و یابرائت
قرارلرینک کسب قطعیتله اصولاً تمیز اعلامنک
جهت عسکریه به تبلیغه قدر آره دن ایکی اوچ
سنه مرورایلمکده اولسنه و شوصورت موقوفینک
معاش و تعییناتلرینک تماماً و یریه کلمسی جهنیه
هم خزینه دولتی اضرار و همده موقوفیتلرندن
طولابی وجودلرندن استفاده اولنمیه رق خدمت
مکلفه لری حبسخانه لرده اصرارایتمکده بولندقلرینه
بناء بورالری یش نظره انهرق بومثللو منسوبین
عسکریه متهملری حقلرنده محاکم مزبورجه
جریان ایده جکک تحقیقات و تدقیقاتک سرعت
اکالیله قرار قطعیلرینک جهت عسکریه به تبلیغی
لزوننک محاکمات دائر مسندن افاده اولندیقینی
طرف عالی سرعسکریدن وارد اولان تذکرده
بیان و اشعار قلنمش و حال مصاحبه موافقتی درکار
اولان اشعار واقع دائر مسنده ایضای معامله به

دقت و اعتنا اولنسی بالعموم محاکم استینافیه مدعی
عمومیلکرینه ازبار اولندیقینی کبی اشبو تخریراتک
نسخ مطبوعه کافیه سی لفاً ارسال قلنمقده
مأموریت شریفه لرنجه دخی اولوجهله ایضای معامله
اولنسی سیاقنده .

(فی ۷ صفر سنه ۳۱۴ و فی ۷ تموز)
(سنه ۳۱۲ تاریخیه بالجمله ولایات استیناف)
(محکمه سی مدعی عمومیلرینه و مدعی عمومی)
(بولنیا محالرمدعی عمومی معاونلرینه یازیلان)
(تخریرات عمومی صورتیدر)

طشره بدایت محاکمی ایله مقاولات
محررلکری مهرلرندن اکثریسنک نسخه
تطبیقه لری موجود اولمامسندن طولابی مذکور
محاکم و مقاولات محررلکریندن تنظیم اولنوب
لاجل التصدیق درسعادت مقاولات محررلکرینه
حواله و ابراز اولنان سنداته موضوع مهر
رسمیلرک تطبیقاتی اجرا ایتک قابل اوله مامقده

قسم غیر رسمی

ردوس بدایت محکمه سندن ۳۰ نشرین اول
سنه ۳۱۰ تاریخی و اونوز برعددی ایله و یریلان
اعلامک تمیزینی استدا ایدن ردوس بیالبدین
مجلسنده مقیم حاجی سید احمد اغازاده سلیمان ایله
مدعی علیه قاضی مسجدی مجلسنده ساکن قوجه
قولاق اوغلی حاجی حسین اغا یوم معینده دائره به
کادکرندن اصول محاکمه حقوقیه قانوننک ایکوز

یکرمی طقوز نجی ماده سی موجب جبهه اوراق اوزرینه
تدقیقات تمیزیه اجرا سنده ابتدار اولندی.

اعلام مذکورک خلاصه مالی نافعہ خانم
و فرنداشی حسن حیدرک و ادوسک اورته واروش
قر بنده طقوز زقاق نام موقوفہ کائن متصرف
اولدقلری تخمیناً ابکی دونم عرصہ ایلہ بر باب
خانہ بی حاوی بر قطعه باغی بش بیک یوز غروش
نمن و عددی نامعلوم بر قبضہ فلوس مقابلہ قطعاً
اشترا و تسلیم ایدرک نمن مذکورہ محسوباً و جیوز
الہی غروش اعطا ایتش اولدینی حالہ اعطای
تقریردن امتناع ایتیمده اولدقلرندن بختله رسماً
تقریر و فراغک اجرا ایتدیرلمسی مزبور حاجی
حسین اغانک طلب و دعوی ایتسی و مدعی علیهمادن
حسینک و مزبورہ نافعہ خانمک و جاہنده شخص
ثالث صفتیلہ داخل دعوی اولان سلیمان اغانک
حضوریلہ اجرا قلنان محاکمہ وکیل مستخرک
انکارینہ و نافعہ خانمک مذکور باغ زوجی طرفندن
مزایدہ ویریلہرک بدی بیک بشیوز غروش بدل
ایلہ طالی بولنان مزبور سلیمان افندی عہدہ سنده
تقررا ایتش ایکن مزایدہ فساد قار بشدیریلہرق
و زوجی رضا افندی طرفندن مذکور باغہ بش
بیکن زیادہ فیتات ویرمبورلر و سلیمان افندی

دخی آلبور شاید حسین اغانہ بش بیک بوقدر
غروشه ویریلہرک اولور ایسہ سنی ترک ایدرم
کبی سوزلرلہ کندوسیدہ کرها مزبور حسین اغانہ
اولسنہ مبنی کندوسیدہ کرها مزبور حسین اغانہ
ذکر اولنان باغی بش بیک یوز غروشہ بیع
و فراغ ایلہ تقریرینی اجرا ایتش ایسہ بدل مذکور
دکردن ثالث مقداری نقصان و غبن و تقریرہ
ملابس واکراہہ مبنی اولملہ قانوناً حکمسر
اولدیفندن حقیقت خالده خبردار اولسنی متعاقب
مذکور باغی بدی بیک بشیوز غروش نمن ایلہ
مزبور سلیمان اغانہ صائمش اولدینی مدافعہ درمیان
و شخص ثالث سلیمان اقا دخی باعلردن حسین
حیدرک معلولیتیلہ برابر مجزوب و غیر رشید اولہرق
تحت وصایتدہ اولسنیلہ مرقومک بیعی غیر نافذ
اولدینی کبی اقدیمہ مدعی حاجی حسین اغانہ
وقوع بولان بیعی تقریر و غبن و تهدید ایلہ وقوع
بولوب قانوناً غیر نافذ بولنش اولدیفندن باغ
مذکورک کندوسنہ تسلیمینی طلب و دعوی
ایتلرینہ قارشو مدعی حاجی حسین اغانہ
اکراہ ایلہ وقوعنہ دائر سرد اولنان سبب قانوناً
معتبر اولہ مدینی کبی بیع واقعہ کندوسی طرفندن
برکونہ تقریر دخی وقوع بولمیدینی و ذکر اولنان
باغی بالرضا متصرفلرندن صانون الدینی شہود ایلہ

اثبات ایدہ جکینی و مجزوب دینلان حسین حیدرک
مدافعہ حقوقی ایچون محکمہ جہ وکیل مسخر
تعیین قلمش اولسی مرقومک مجزوبیتی حقندہ کی
ادعانک بطلانی موجب اولوب مرقوم حسینک
تام الشهور اولدینی اثباتہ حاضر بولمیدینی مقابله
سرد و ایتیان ایتسی اوزرینہ مدعی نامہ بیعک
وقوعی حقندہ استماع شہود اولدقدن صکرہ
اجرا قلنان محاکمہ و تدقیقات نتیجہ سنده مزبور
سلیمان افندی منازع فیہ اولان باغی مدعی علیهمادن
اشترا دعوا سنده نہ مزبور حسین طرفندن ونہدہ
مجلہنک بیک التی یوزاون التنجی ماده سی موجب جبهه
وصایتی ادعا ایلدیکی رضا افندی جانبندن برکونہ
و کالتنامہ اراز ایدہ مامش اولسنہ کورہ دعوی
واقعہ شایان قبول اولمیدینی کبی مدعی حاجی حسین
اغانیلہ باعلری ارا سنده واقع اولان عقدہ درمیان
ایلدیکی اعتراضات دخی مردود اولوب مدعی
حاجی حسین اغانک سالف الذکر باغی مع مشتملات
تفرغ ایلدیکی استماع اولنان شہودک شہادتکریلہ
ثابت اولسنہ مبنی مدعی علیہما و شخص ثالث
سلیمان اغان طرفلرندن درمیان اولنان ادعا و مدافعانک
ردیلہ مذکور باغک نمن مسامی اولان بش بیک
یوز غروشک مدعی حاجی حسین اغان طرفندن
اجرا دائرہ سنده تسلیمیلہ مرقوم نامہ تقریر

رسمینک اعطاسنہ مدعی علیہما نک مجبور
طو تلملرینہ حکمدن و اشبو حکم علیہندہ مستدعی
تمیز سلیمان افندیک خلاصہ اعتراضاتی باعلردن
حسینک باجیت شرعیہ تحت وصایتدہ بولمسنیلہ
دعوی واقعہ مدعی عمومینک حضوری اقتضا
ایدرکن مأمور مومی الیہک حاضر بولمیدیرلماسی
و حسینک بیعی صحیح و نافذ اولوب اولیلہ جنی
و غبن و تقریر و تهدیدک وقوع و عدم وقوعی
حقندہ کی ادعارک تدقیق لازم کلورکن بوجہتک
مرتب صورتدہ تحقیق و حل ایدلماسی و زوجک
زوجہ سنده ضرب و تطلق ایلہ اکراہی اکراہ
ملجی اولدینی حالہ اکراہ مذکورک تصرفات
قولیلہ حقندہ شرعاً ملجی عد اولہ جفتک محکمہ جہ
تأمل اولنامسی و منازع فیہ اولان ترلادن طولاً
و عرضاً برقاج مترو محلی شراء عہدہ تصرفندہ
اولدینی عند المحاکمہ کندوسی بیان ایتش
و خصمی مرقوم حاجی حسین اغان بونی رد ایتیموب
سکوت ایلہ قبول ایلش ایکن مذکور ترلانک
عمومہ حکم ویرلمسی مغایر قانون اولدیفندن بختله
اعلامک نقضی استدعاسندن و مدعی علیہ حاجی
حسین اغانک نتیجہ جوابی دخی حکم واقع اصول
و قانونہ موافق اولدیفندن اعتراضات واقعہ نک ردیلہ
اعلامک تصدیق طابندن عبارت بولمشدہ.

ایجابی مذاکره اولدوقده اعلام مذکورک نتیجه مالی منازع فيه اولان باغی مع مشتملات مزبور حاجی حسین اغانک بش بیک بوزغروش ثمن مقابلنده مبايعه واشترا ایلدیکی استماع اولنان شهودک شهادتیه ثابت اولسنه بناء شخص ثالث سلیمان اغانک اخیراً اشترا دعواسنک ویا بعلردن حسینک مجزوب اولدیغنه وعقد واقفک غبن و تفریر و تهدید ایل و وقوعه دائر نافعہ خاتم طرفندن درمیان اولنان مدافعاتک ردیله مدعی حاجی حسین نامنه ثمن مسمی مقابلنده تقریر رسمی اجراسنه بابع مرقومانک مجبور طوتلملرینه حکمدن عبارت اولسنه نظراً حکم واقع اسباب موجبیه مستند و اصول وقانونه موافق اولوب مستدعینک تمیزاً درمیان ایلدیکی بالاده محرر اعتراضاتیله اعتراضات سائرہ سی نقض حکمی موجب کور یله مدیکندن اعتراضات مبحوث عنہانک ردیله اصول محاکمہ حقوقیه قانوننک ایکوز اتوز برنجی ماده سی موجبیه اعلام مذکورک تصدیقنه و زبرده مفرداتی مرقم یوز قرق ییغ غروش مصارف محاکمہ نک مستدعی تمیزه وجوع اجمک اوزره اول امرده مدعی علیحدن اخذینہ ۶ تشرین ثانی سنہ ۳۱۱ تاریخده اکثریت آرا ایلہ قرار ویرلدی.

ارکلی بدایت محکمه سندن ۱۲ تشرین ثانی سنہ ۳۰۸ تاریخی والتمش بش عددی ایلہ ویریلان اعلامک تمیزینی استدعا ایدن ارکلی قصیه سنک تغنی محله سنده ساکن قره علی اوغلی یعقوب اغا ایلہ مدعی علیه محله مذکورده مقیم بالقجی احمد قبودان بوم معینده دائره به لکدرندن باش مدعی عمومیک مأموریت علیه سنک مطالعه نامه سی اندقدن صکره اصول محاکمہ حقوقیه قانوننک ایکوز یکر می طقوزنجی ماده سی موجبیه تدقیقات تمیزیه اجراسنه ابتدار اولندی.

اعلام مذکورک خلاصه مالی یعقوب اغانک وصیتی بولندیجی مجنون برادر و همشیره سیله مشترکاً عهدہ تصرفلرنده بولنان معلوم الحدود برقطه ملک عرصه نک تصرفندن طولایی مزبور احمد قبودان ایلہ بیلرلرنده متحدث دعوايه دائر ارکلی بدایت محکمه سندن صادر اولان اعلامک اسباب قانونیه مبنی تمیزاً نقض واعاده سندن صکره محکمه مذکورده جبه بتکرار جریان ایدن محاکمہ ده مرقوم یعقوب اغا متوفی بدرندن کندوسیله همشیره لرینه انتقال ایدن مذکور عرصه نک طقوز سهم اعتبار یله اوج سهمینی بدرلری حال حیاتنده مرقوم احمد قبودانہ فروخت

ایتمش ایسه ده مرقوم احمد قبودان مذکور عرصه نک کلیسنه مداخله ایلمکده اولدیغندن بختله مداخله واقعه سنک منعی طلب ودعوی ایتمی ومدعی علیه احمد قبودان دخی مذکور عرصه نک طقوز سهم اعتبار یله اتی سهمی کندی ملکی اولوب اوج سهمی مرقوم یعقوب اغانک متوفی بدری مصطفی اغانک حال حیاتنده مذکور سهمی دخی تحت تصرفنده ایکن کندوسی بدل معلوم مقابلنده مرقومدن اشترا ایلدیکی جهتله مرقوم یعقوب اغا و همشیره لرینک عرصه مذکورده اصلا علاقہ لری اولدیغنی مدافعه بیان و انبیا وایکی نفر شاهد اقامه ایلمی اوزرینه اولباده جریان ایدن محاکمہ و تدقیقات نتیجه سنده مرقوم احمد قبودانک مدافعه مسروده سی لدی التذکیه عدل ومقبول الشهاده اولدقلری ثابت اولان ایکی نفر شاهدک شهادتلیله ثابت اولسنه مبنی مرقوم یعقوب اغانک لایحه سنده محرر باشلوجه اعتراضی محل منازع فیهک کشف ومساحه ایدلمی لزومی عندالحا که بیان اولتمش ایکن محکمه جبه بوادعاسنه حواله سمع واعتبار ایدلماسی وختام محاکمہ ده مدعی عمومینک مطالعه سی استفسار اولنماسی واجرت وکاتک دعوی وکیللری نظامنامه سنه توفیق ایدلماسی مخالف قانون اولدیغندن بختله

اعلامک تقضی استدعاسندن ومدعی علیه احمد قبودانک لایحه سنده محرر نتیجه جوابی اعتراضات مسروده واهی اولدیغنی بیانیله ردی و موافق قانون اولان اعلامک تصدیقی طلبندن ومطالعه نامه مندرجاتی دخی دعوا ی واقعه نک اثنای رؤیتنده مدعی عمومی حاضر بولتمش ایسه ده نتیجه محاکمہ ده مطالعه سی استماع قلنامش و اجرا قلنان کشف اصول محاکمہ حقوقیه قانوننک التمش اوجنجی ماده سی احکامنه توفیق ایدلماش و تمیز اعلام سابقده کوسترلدیکی اوزره ابراز اولنان حجت شرعیه نک مضمونیه عمل اولنور وثائق شرعیه دن اولوب اولدیغنی تدقیق وتعیین ایدلماش ومرور زمان حقنده واقع اولان ادعا مسکوت عنه بر اقلمش اولسنه مبنی اعتراضات واقعه نک موافق قانون اولدیغنی بیاندن عبارتدر.

ایجابی لدی المذاکره اعلام مذکور مآلندن اکلاشلدیغنی اوزره دعوا ی واقعه نک ایتمه متعلق اولسنه کوره حاضر بولندبریلان مدعی عمومینک مطالعه سی استفسار اولتمق لازمه دن بولتمش ایکن محکمه مذکورده جبه مأمور مومی الیهک صولک مجلس محاکمہ ده مطالعه سنک استفسار قلنامسی و اساس دعوی حدود منازعه سندن

عبارت بولمق حسیله استماع قلنان شاهدلره
محلنده تعیین حدود ایتدیرلمسی اقتضا ایدر ایکن
بوقاعده به دخی رعایت ایدلامسی و مصارف محاکمه
میاننده کوستریلان ایکی قلم اجرت وکالتک
دعوی وکیللری نظامنامه سنه مر بوط اجرت
تصرفه سنه توفیق اولمیهرق فضله حکم اولمسی
یولسز وقانونه مخالف ومستدعی تمیزک اعتراضیه
معاون مومی الیهک بوجهلره متدائر اولان
مطالعه سی موافق نفس الامر بولندیقه منی
اصول محاکمه حقوقیه قانوننک ایکوز اوتوز
ایکنجی ماده سی موجبجه اعلام مذکورک تفضیل
قانون من بوزک ایکوز قرق درنجی ماده سی حکمنه
توفیقاً کیفیتک یکیدن بالرؤبه اعلامه ربطی ضممنده
محکمه مذکوره به اعاده سنه ومستدعینک فقر حاله
منی قرق غروش صورت خرجنک عفو به زبرده
مفرداتی مرقم ایکوز التمش طقوز بچق غروش
مصارف محاکمه نک ایلروده حقسنر حقیقه جق طرفه
رجوع ایتک اوزره اول امرده مستدعی تمیزدن
الشمسه ۴ تموز سنه ۳۱۰ تاریخنده منفقاً
قرار ویرلدی.

کوملجنه سنجانجی بدایت محکمه سنندن ۱۴
نیسان سنه ۳۰۹ تاریخی ویدی عددی ایل
ویریلان اعلامک تمیزینی استدعا ایدن سلطان یری
قضاسنک سیدلر قارلی قریه سنده ساکنه بنه قادین
ایله مدعی علیه قریه مذکوره ده مقیم احمد اوغلی
احمد اغا یوم معینده دائره به کمدکلرندن باش مدعی
عمومیلک مأموریت علیه سنک مطالعه نامه سی
التقدیر صکره اصول محاکمه حقوقیه قانوننک
ایکوز یکر می طقوزنجی ماده سی موجبجه تدقیقات
تمیزیه اجراسنه ابتدار اولندی.

اعلام مذکورک خلاصه مآلی مرقوم احمد اغا
پدری متوفی احمد اغا حال حیاتنده کندیوسنه
قارلی قریه سنده کائن متصرف اولدینی معلوم الحدود
والقطعات اراضیسی طقسان برسینه سی ظرفنده
باذن متولی مجاناً و قطعاً فراغ ایتمش ایسه ده
همشیره سی من بوزره بنه قادین اراضی مذکوره دن
حصه طلیله مداخله به قیام ایدرک طقسان بش
سنه سنده محکمه شرعی به مراجعتله اقامه ایلدیکی
دعوی اوزرینه من بوزره نک منع مداخله سنه دائر
برقطعه اعلام شرعی صادر اولدینی حالده یته
مداخله ایتکده اولدیندن بختله منعی سلطان یری
قضاسی بدایت محکمه سنه مراجعتله طلب ودعوی

ایتمسنه قارشو مدعی علیها من بوزره بنه قادین دخی
فی الحقیقه برادری مقدمه اقامه دعوی ایدرک
اثبات مدعا ایلمش ایسه ده بو بایده اقامه ایلدیکی
شاهدلر یلان یره شهادت ایتدکلرینه کسب اطلاع
ایدوب بونک عکسینی اثباته مهیا اولدینی مدافعه
انبیا ایلمسی اوزرینه جریان ایدن محاکمات
وتدقیقات نتیجه سنده بو مقوله اراضی امیره
دعوالری مجله نک بیک التیوز التمش ایکنجی
ماده سنده دخی محرر اولدینی اوزره اون سنه
مرورندن صکره استماع اولمیه جنی درکار اولدینده
ومدعی علیها من بوزره بنه قادینک مقام دفعده
درمیان ایلدیکی مدافعه سی ایسه شایان قبول
کوریه مدیکنه بناء ردیه مدعی مرقوم احمد اغا به
بیوجه معارضه دن منعه دائر محکمه مذکوره دن
ویریلان اعلامک عندالاستیناف تصدیقنه حکمدن
ومستدعی تمیز بنه قادینک اشبو حکم علیه ده
لایحه سنده محرر اعتراضنک خلاصه سی دعوی
واقعه عقاره متعلق اولوب اول امرده توجه
خصوصیت ضممنده ذی الیدک مسئله سنک بالینه
اثبات ایتدیرلمسی ومحکمه شرعی دن صادر
اولدینی بیان اولنان اعلام شرعینک استیناف
محکمه سنه ابراز واعطا ایدلامش اولدینی کبی
نسخه ثانیه سی دخی کندیوسنه اصولاً تبلیغ

قلنامش اولدینی عندالاستیناف ادعا ایتمش بکن
بوراسنک دخی نظر اعتباره النامسی ودعوی
واقعه ده مرور زمان اولدینی و طرفیندن دخی
درمیان اولدینی جهته محکمه جه خود بخود
مرور زمانه قرار ویریلرک ادعانک رد ایدلمسی
یولسز ومغایر قانون اولدیندن بختله اعلامک
نقضی ومدعی علیه احمد اغانک لایحه سنده مندرج
نتیجه اجوبه سی ایسه اعتراضات مسروده نک
واهی و بی اساس اولدینی بیانیله ردی و موافق
اصول وقانون اولان اعلامک تصدیق طلبندن
و آلف البیان مطالعه نامه مآلی ایسه بدایه واستینافاً
جریان ایدن محاکمه اثناسنده دعوی واقعه نک
مقدما شرعاً بالرؤبه تحت حکمه التمش اولدینی
بیان اولمسنه کوره اولبابده کی اعلام شرعینک
بالابراز تدقیق ایله دعوی مذکوره نک بتکرار
محاکم نظامیه ده رؤیتنه مساع قانونی اولوب
اولدینی تعیین ایتدیرنک لازم کلور ایکن اشبو
جهت اساسیه به عطف نظردقت ایدلامش اولمسنه
منی بوجهت حقنده کی اعتراضک موافق قانون
اولدینی بیانندن عبارت بولمشدر.

ایجابی مذاکره اولندوقده اعلام مذکور
مطالعه سنندن منقهم اولدینی اوزره دعوی

واقعه‌نك بداية واستيفاء جريان ايدن محاكمه‌سی
انساننده مقدما شرعاً بالرؤيه تحت حكمه الفش
اولدینی مدعی علیه احمدغا طرفندن بیان اولمیشنه
کوره اولباده کی اعلام شرعینک محکمه‌جه بالطلب
تدقیق ایدیلرک دعوی مذکورنک بتکرار
محاکم نظامیه ده رؤیتنه مساع قانونی اولوب
اولدینی تعیین ایتدیرلک لازم کلور ایکن محکمه‌جه
بوراسنک نظر اعتنایه التمسین من بوره ینبه
قادینک رد ادعاسنه قرار ویرلمسی یولسز و مغایر
قانون اولدیفنه و مستدعی من بوره‌نک اعتراضیه
سالف الذکر مطالعه نامه مالی دخی بومر کزده
اوله رق شایان قبول بولدیغنه بناءً اصول محاکمه
حقوقیه قانوننک ایکوز اوتوز ایکنجی ماده‌سی
موجبجه اعلام مذکورنک تفضیله قانون مذکورنک
ایکوز قرق دردنجی ماده‌سی حکمنه توفیقاً کیفیتنک
صور محرره دائره‌سندن یکیدن بالرؤیه اعلامه
ربطی ضمیمه محکمه مذکوریه اعاده‌سنه وزیرده
مفرداتی مرقم درتیوز اون درت بحق غروش
مصارف تمیزیه‌نک ایلروده حقسز چیه‌حق طرفه
رجوع ایتک اوزره اول امرده مستدعی من بوره
ینبه قادیندن التمسنه ۲۸ حزیران سنه ۳۱۱
تاریخنده متفقاً قرار ویرلدی.

درساعات بدایت محکمه‌سی برنجی حقوق
دائره‌سندن ۷ تشرین اول سنه ۳۱۱ تاریخی ایله
ویریلان اعلامک تمیزینی استدعا ایدن چهارشنبه ده
قوغه‌جی دده محله‌سندن ساکن محکمه تجارت
ضبط کتبه‌سندن رضا افندی کلوب مدعی علیه
عثمان افندی وکیلی نقاش علی اوسته یوم معینه
دائره‌یه کلدیکندن یالکیز افندی مومی الیهک
ایضاحات شفاهی‌سی استماع قلنه رق تدقیقات
تمیزیه اجراسنه ایتدار اولندی.

اعلام مذکورنک خلاصه مالی مرقوم عثمان
افندی رضا افندی ایله مشترک اولدینی بر باب
دکان اجور اتندن رضا افندیده الاجنی اولان
اوج بیگ کسور غروشک تحصیلی طلب و دعوی
و بر قطعه سند ابراز و اعطا ایتسی و مومی الیه
رضا افندی دعوتیه اجابت ایتامسی حسیلله وکیل
مسخر تعیینله غیاباً اجرا قلنان محاکمه و تدقیقات
نتیجه‌سندن بموجب سند مبلغ من بورک مع فائض
تحصیلی حقنده غیاباً صادر اولان اعلام علیه‌نده
رضا افندی اعتراض علی الحکم عرضحالی اعطا
ایتمش ایسه ده تعیین قلنان کونده کلدکلرندن
اصول محاکمه حقوقیه قانوننک یوزاللی طقوزنجی
ماده‌سی موجبجه اعتراض استدعاسنک ردینه

حکمدن واشبو حکم علیه‌نده مستدعی تمیز رضا
افندی‌نک باشلوجه اعتراضی دعوی واقعه کدک
اجباری مسئله‌سندن منبعث و بوکدک دعوی دخی
محکمه تفتیش‌سده در دست رؤیت بولدینی جهتله
دعوی مذکورنک نتیجه‌سنه قدر اشبو دعوانک
تاخیر ایدلمسی لازم کلور ایکن بوراسنه رعایت
اولنامسی مخالف قانون اولدیغندن بختله اعلامک
نقضی استدعاسندن و مدعی علیهک نتیجه جوابی
دخی اعتراض مذکورنک ردی و موافق قانون
اولان اعلامک تصدیق طلبندن عبارتدر.

ایجابی لدی المذاکره اعلام مذکورنک نتیجه
مالی مرقوم عثمان افندی‌نک رضا افندیده الاجنی
اولان اوج بیگ غروشک تحصیلی حقنده استحصا
ایلدیکی اعلام غیابی علیه‌نده مومی الیه رضا افندی
اعتراض علی الحکم استدعاسی اعطا ایتدیکی حالده
یوم معینه کلدیکندن اصول محاکمه حقوقیه
قانوننک یوزاللی طقوزنجی ماده‌سی موجبجه
استدعای مذکورنک ردینه حکمدن عبارت اولمسنه
نظراً حکم مذکور اسباب موجبیه مستند
واصول وقانونه موافق اولوب اعتراضات مسروده
نقضی موجب کوریه‌مدیکندن اصول محاکمه

حقوقیه قانوننک ایکوز اوتوز برنجی ماده‌سی
موجبجه اعلام مذکورنک تصدیقنه وزیرده
مفرداتی مرقم یوزاللی اوج بحق غروش مصارف
محاکمه‌نک مستدعی به رجوع ایتک اوزره اول
امرده مدعی علیه‌ندن اخذینه ۲۱ شباط سنه ۳۱۱
تاریخنده متفقاً قرار ویریلرک تفهیم قلندی.

ادرنه ولایتی مرکز بدایت محکمه‌سندن
۲۰ تشرین اول سنه ۳۱۰ تاریخی و طقسان الی
عددی ایله ویریلان اعلامک تمیزینی استدعا ایدن
ادرنه‌نک اسکجه‌جی حضر محله‌سندن ساکنه عایشه
صدیقہ خانم ایله مدعی علیه ادرنه‌ده ارام‌ساز
دردنجی نشانجی طابوری امامی عبده افندی
یوم معینه دائره‌یه کلدکلرندن اصول محاکمات
حقوقیه قانوننک ایکوز یکرمی طقوزنجی ماده‌سی
موجبجه تدقیقات تمیزیه اجراسنه ایتدار
اولندی.

اعلام مذکورنک خلاصه مالی مومی الیه

عبداه افنديك مذکور اسكيجي محله سنده كائن
مشتراكاً متصرف اولديني بر باب خانهك بيك
طقوز يوز يكرمي سهم اعتباريله التي يوز اللي التي
سهمي سزائيك والتیوز سكر سهمي دخي من بوره
عائشه صديقه خانك اولديني حاله كندوسنك
حصه سنده آروجه انشايتدير مثل اولديني خانه سنده
من بوره عائشه صديقه خانم فضولي مداخله
ايتكده اولديندن بختله باسند خاقاني متصرف
اولديني التيوز اللي التي سهمك افرازي طلب
ودعوى وتصرفي حاوي بر قطعه سند ابراز و اعطا
ايتسنة قارشو من بوره صديقه خانم دخي كچه
مدعي مومي اليه عبداه افندي به متصرفه اولديني
كچوك خانه سنك اوچ حصه دن بر حصه سني فروخت
ايلمش ايسه ده بيوك خانه به دخي تصرف ايتك
افكارنده بولنديندن مداخله واقعه سنك منفي
مدافعة انبا ايلمسي اوزرينه جريان ايدن محاكات
وكشف وتقيقات نتیجه سنده مدعي مومي اليه
عبداه افنديك منازع فيه خانه ده بيك طقوز يوز
يكرمي سهم اعتباريله التيوز اللي التي سهم حصه سي
بولنديني تحقق ايتش ولدي الكشف مذکور
خانهك تفريقي ممكن اولديني اكلاشلمش
اولديندن مجلهك بيك يوز يتمش التنجي وبيك
يوز يتمش سكرنجي وبيك يوز سكرانجي وبيك يوز

سكسان اوچنجي ماده لري احكامنه توفيقاً خانهك
زماناً مهائيه سيله ايلك نوبت مدعي مومي اليه
عبداه افندي به واينجي نوبت مدعي عليها
من بوره عائشه صديقه خانم اصابت ايلديكي قرعة
شرعيه ايله تين ايلديكنه وهر بر حصه ايجون
بر سنه مدت اقامت تعيين ايدلمش اولسيله اولو جهله
طرفينك حصه لري نسبتنده اقامت واستعمال ايله
انتفاع ايتلرينه حكمن و مستدعيه تميز عائشه
صديقه خانك اشبو حكم عليهنده لايحه سنده محرر
اعتراضاتك خلاصه سي اساساً مدعي عبداه
افنديك اقامه ايلديكي دعوى منازع فيه خانهك
تفريق وتقسيمي طلبندن عبارت بولنديني وسبق
دعوى ساقط اولديني حاله محكمه به بونك مهائيه
استعماله قرار و يرلمسي و حصه شايه سنك ايكي
باب خانه دن تقيس سنده اولديني دخي صراحة
كوستلمك سكرنجي مجهوله حكم ايدلمسي بولسيز و مغاير
قانون اولديندن بختله اعلامك نقضی استدعاسندن
ومدعي عليه عبداه افنديك لايحه سنده مندرج
نتيجه اجوبه سي ايسه اعتراضات مسرودهك
واحي وبني اساس اولديني بيانيله ردی و موافق
اصول وقانون اولان اعلامك تصديقي طابندن
عبارت بولمشدر .

الجابي مذاكره اولدقده اعلام مذکور

مطالعه سندن منفهم اولديني اوزره دعواي واقعه
منازع فيه خانهك تفريق وتقسيمي طلبندن عبارت
اولوب عندالمحاكمه مذکور خانهك قابل تقسيم
اولماسي جهتيله مهائيه بروجه محرر كشيده اولنان
قرعة شرعيه موجبجه ايلك نوبت مدعي
مومي اليه عبداه افندي به واينجي نوبت مدعي
عليها عائشه صديقه خانم اصابت ايلمسنة وهر بر
حصه ايجون بر سنه مدت اقامت تعيين ايدلمش
اولسنه مني اولو جهله طرفينك حصه لري نسبتنده
اقامت ايتلرينه حكمن عبارت اولسنه نظراً
حكم مذکور اسباب موجبيه مستند اولوب
اصول وقانونه موافق بولندينه ومستدعيه تميز
عائشه صديقه خانك تميزاً سرد ايلديكي بالاده
محرر اعتراضاتيله اعتراضات سائر سي نقض حكمي
موجب كوريله مديكنه بناء رديله اعلام مذکور
تصديقه وزيرده مفرداتي مرقم يوز اوتوز سكر
يحق غروش مصارف تميز بهك مستدعيه من بوره به
رجوع ايتك اوزره اول امرده مدعي عليه عبداه
افنديك المنسنة ۱۳ تشرين ثاني سنه ۱۳۱۱ تاريخنده
متفقاً قرار و برلدي .

محكمة استيناف حقوق قسمندن ۱۵ حزيران
سنه ۱۳۱۱ تاريخي و يتمش يدي عددي ايله و بريلان
اعلامك تميز يني استدعا ايدن اسكدارده بلبان
اسكده سنده واقع ساحلخانه سنده مقيم مقام
سرعسكري لوازمات دائره سي ايكنجي شعبه سي
مدبري فريق سعادتلو محمد علي پاشا حضرتلري
ومكتب حربيه اعدادي شاهانه رقمه خواجيه سي
معاوني قول اغاسي فتوتلو محمد علي بك ووالده سي
فاطمه انور خانم وكيلى رشيد افندي ايله
مدعي عليه از ميده اورخانه محله سنده ساكن
حسن اغا وكيلى سرگز اسمريان افندي يوم
معينه دائره بكلملري اوزره ايضاحات شفاهه لري
استماع قلندقدن صكره تدقيقات تميز به اجراسنة
ابتدار اولندي .

اعلام مذکور خلاصه مالى مشار ومومي
اليهم محمد علي پاشا حضرتلريه محمد علي بك وفاطمه
خانك از ميده تابع اوزون بك چفتلكي ديمكده
معروف چفتلكده شايماً متصرف اولدقلى
مابعدى وار

اعلان

مراجعت ایلملری ومدت مذکورک انقضاسندن
صکره ضم قبول اولنیه جنی دائرة مذکورهدن
اعلان اولنور .

فی ۶ تموز سنه ۳۱۲

کر قور نارلیان افندیکنک وادی فرارده
بولنان مراد نام کسنه ذمتنده محکوم به الاجنی
اولان مبالغک تأمین استیفاسی ضمتنده مدیون
مرفومک بر عدد فایطونیه بر چفت قر عربه
بارکیرلری مع قوشوملرینک تجزیه فروختی داین
مومی الیه طرفندن وقوعبولان طلب واستدعا
اوزرینه تحت قراره التمش اولمقله ماه حالرومینک
اون ایکنجی جمعه کونی اسکدارده آت بازارنده
ساعت درت قرارلرنده بالمزایده فروخته تشبث
اولنه جنی بک اوغلی اجرا مأموریتی جانبندن
اعلان اولنور .

فی ۸ تموز سنه ۳۱۲

سمیده خانمک عارف حکمت بک ذمتنده
محکوم به الاجنی اولان مبالغک تأمین استیفاسی
ایچون مدیون مومی الیهک عهده تصرفنده اولوب
تحت تجزه انسان اوچنجی دائرة بلدیہ داخلنده
حویار محله سنده اون نومرولی تخمیناً الی آرشون
عرصه اوزرینه مبنی ایکی اوطه ومشملاقی بکرمی
بش زراع آجیققلنی حاوی خانه تمامک تاریخ
اعلانندن اون بش کون صکره بالمزایده فروخته
تشبث اولنه جنی درسمادت اعلامات نظامیه اجرا
دائرة سندن اعلان اولنور .

فی ۸ تموز سنه ۳۱۲

درسمادت ورثی نظارتک درسمادت بدایت
محکمه سی برنجی جزا دائرة سندن استیصال
ایلدیکی و اجرای موقتی حاوی برقطه اعلام
موجبجیه قوندره جی یورکی ولد اندون ایله

ارنبود کویلی دیمتری ولد کریاقو ذمتلرنده الاجنی
اولان مبالغ معلومه نک تأمین استیفاسی چون
مدیون مرفوملرک مالی اولوب تحت تجزه النان
برقطه صندال مع طاقک تاریخ اعلانندن اعتباراً
اوج کون صکره جب عالیده واپور اسکله سنده
فروخت اولنه جنی درسمادت اعلامات نظامیه
اجرا دائرة سندن اعلان اولنور .

فی ۱۰ تموز سنه ۳۱۲

جلب قوچوجانی ایله عالیہ خام پیتنده تکیون
ایدن دعوانک محکمه استیفانی حقوق قسمنده
استینافاً تدقیق ورؤیتی نتیجه سنده مرفوم قوچونک
خصوص مذکور حقنده تقدیم واعطا ایتمش
اولدینی اعتراض علی الحکم عرخیانک ردینه غیاباً
ومتفقاً قرار ویریلرک اولبایده صادر اولان
۲۷ محرم سنه ۳۱۴ و ۲۷ حریران سنه ۳۱۲

تاریخی و یوزدرت نومرولی اعلام مرقوم قوجویه
تبلیغ اولمق اوزره بالدفعات اجرای تحریات
ایتدیرلمش ایسهده مرقوم قوجوجانی بولنه مامش
واقامتکاهی دخی مجهول بولنش و بوجیهله اعلام
مذکور صورتک امر تبلیغی اجرا ایدیه مامش
اولدیندن اصول محاکمه حقوقیه قانونک یوز
قرق طقوزنجی مادهسی حکمنه توفیقاً مذکور
اعلام صـ ورقی محکمه دیوانخانه سنه تعلیق
قلنمشدر .

فی ۱۳ صفر سنه ۳۱۴

وفی ۱۳ تموز سنه ۳۱۲

و (دیو آدانی) نام سفینه نک صاحب وقبودانی
یوانیس لیغوس و یورکی لیغوس علیهلر سنه
درسمادت تجارت بحریه محکمه سنده اقامه ایدیلان
تصدیق جز و ضرر وزیان ادعاسی بیک اوچیوز
اون ایکی سنهسی اغستوسنک التنجی صالی کونی
ساعت التیده فصل وارؤیت اولنه جفندن یوم
ووقت مزبورده مدعی علیهمانک محکمه مذکورده
بالذات حاضر بولنملری و یاخود مصدق سندنله
بروکیل کوندرملری لازم کله چکی وشاید کلز
و وکیل کوندرمز ایسهلر حققرنده عن الغیاب
معامله قانونیه نک اجرا اولنه جنی معلوملری اولمق
اوزره تنظیم اولنسان دعوتیه ورقهسی محکمه نک
دیوانخانه سنه تعلیق اولندینی اعلان اولنور .

فی ۱۷ صفر سنه ۳۱۴

وفی ۱۶ تموز سنه ۳۱۲

غلطاده قلفات یرنده مقیم تجاردن شریف
علی افندی و شرکاسی طرفندن اقامتکاهلری
مجهول بولندینی منسوب اولدقلری سفارقی
جانبندن خبر ویریلان یونان دولتی تبعه سندن

(مطبعه عامره ده طبع اولنمشدر)